


Դանիա



Ի՞նչ է ՊԵՏՔ ԻՄԱՆԱԼ ԱՊԱՍՏԱՆԻ ՏՐԱՄԱԴՐՄԱՆ ԵՎ ՄԻԳՐԱՑԻԱՅԻ ԿԱՌԱՎԱՐՄԱՆ ՆՈՐ ԿԱՆՈՆԱԿԱՐԳԻ ՄԱՍԻՆ

Ա տեսակ

ՄԻԶԱԶԳԱՅԻՆ ՊԱՇՏՊԱՆՈՒԹՅՈՒՆ ՀԱՅՅՈՂՆԵՐԻ ՀԱՄԱՐ



ARMENIAN

▶ ԲՈՎԱՆԴԱԿՈՒԹՅՈՒՆ

Ինչո՞ւ եք ստանում այս գրքույկը:	3
Ի՞նչ է միջազգային պաշտպանությունը եւ ո՞ւմ է այն հասանելի:	3
Որո՞նք են ապաստանի եւ միգրացիայի կառավարման կանոնները:	4
Ձեր իրավունքները՝ մինչեւ պատասխանատու ԵՄ+ երկրի որոշումը՝ թե որտեղ է քննվելու ձեր դիմումը:	5
Որտե՞ղ պետք է բնակվեք, քանի դեռ սպասում եք որոշման, թե ԵՄ+ որ երկիրն է քննելու ձեր դիմումը:	7
Ի՞նչ է ակնկալվում ձեզանից այս գործընթացում:	7
Ի՞նչ փաստաթղթեր պետք է ներկայացնեք:	8
Ի՞նչու՞ եք դուք պարտավորված տալ ձեր մատնահետքերը եվ լուսանկարը:	9
Ի՞նչ հետևանքներ կլինեն պարտականությունները չկատարելու դեպքում:	10
Ի՞նչ է նշանակում կալանավորումը:	11
Ինչպե՞ս են իշխանությունները որոշում, թե որ եմ+ երկիրն է քննելու ձեր դիմումը:	12
Դուք կարող եք անցնել հարցազրույց՝ պարզելու համար, թե եմ+ որ երկիրը կքննի ձեր դիմումը:	15
Արդյո՞ք հարցազրույցը միշտ է անցկացվում:	17
Ի՞նչ ապացույցներ կարող եք ներկայացնել՝ հաստատելու համար, որ ԵՄ+ այլ երկրում ունեք ընտանիքի անդամ:	18
Որքա՞ն կտեվի գործընթացը:	19
Ի՞նչ անել, եթե արդեն դիմել եք միջազգային պաշտպանության համար ԵՄ+ այլ երկրում:	20
Ի՞նչ է տեղի ունենում որոշումը կայացնելուց հետո:	21
Ի՞նչ անել, եթե համաձայն չեք տեղափոխման վերաբերյալ որոշմանը:	21
Ինչ պետք է իմանալ բողոքարկման մասին, երբ այն ունի կասեցնող հատկություն եվ վերաբերում է գործի էությունը:	22
Ի՞նչ անձնական տվյալներ են հավաքագրվում:	24
Ի՞նչ իրավունքներ ունեք ձեր անձնական տվյալների նկատմամբ:	24

▶ ԻՆՉՈ՞Ւ ԵՔ ՍՏԱՆՈՒՄ ԱՅՍ ԳՐՔՈՒՅՎԸ:

Դուք դիմել եք միջազգային պաշտպանություն (հայտնի նաև որպես ապաստան) ստանալու համար ԵՄ+ 31 երկրներից մեկում: Այս դիմումը ձեզ տրամադրում է միջազգային պաշտպանության հայցողի կարգավիճակ: Հնարավոր է, որ ձեր դիմումի քննության համար պատասխանատու լինի ԵՄ+ անդամ մեկ այլ երկիր, եւ ոչ թե այն երկիրը, որտեղ դուք ներկայացրել եք դիմումը: Ներկայումս դուք սպասում եք այդ որոշման կայացմանը:

Ձեզ համար կարելու է հասկանալ ԵՄ+ երկրների միջև համագործակցության սկզբունքները: Այդ սկզբունքները ուղղակիորեն ազդում են այն բանի վրա, թե որ երկիրը վերջնականապես կքննարկի ձեր դիմումը:

Սույն գրքույկում դուք կգտնեք այս գործընթացի վերաբերյալ ողջ անհրաժեշտ տեղեկատվությունները:

▶ Ի՞ՆՉ Է ՄԻՋԱԶԳԱՅԻՆ ՊԱՇՏՊԱՆՈՒԹՅՈՒՆԸ ԵՎ Ո՞ՒՄ Է ԱՅՆ ՀԱՍԱՆԵԼԻ:



Դուք կարող եք միջազգային պաշտպանության կարիք ունենալ, եթե չեք կարող վերադառնալ ձեր երկիր, քանի որ վախենում եք հալածանքներից կամ բախվում եք լուրջ վնասի իրական ռիսկի: Մա նշանակում է, օրինակ, որ ձեր կյանքը կամ ազատությունը վտանգի տակ կլինեն, եւ ձեր երկրի իշխանությունները չեն պաշտպանի ձեզ ձեր առջև ծառայած վտանգից:

Միջազգային պաշտպանության մասին լրացուցիչ տեղեկություններ կստանաք առանձին գրքույկում:

Դուք այժմ գտնվում եք Դանիա - ում, որը ԵՄ+ երկիր է: ԵՄ+ երկրներն են՝



27 անդամ պետությունների եվրոպական միության (ԵՄ): Ավստրիա, Բելգիա, Բուլղարիա, Հունգարիա, Գերմանիա, Հունաստան, Դանիա, Իսպանիա, Իտալիա, Կիպրոս, Լատվիա, Լիտվա, Լյուքսեմբուրգ, Մալթա, Նիդեռլանդներ, Լեհաստան, Պորտուգալիա, Հանրապետություն Իռլանդիա, Ռումինիա, Սլովակիա, Սլովենիա, Ֆինլանդիա, Ֆրանսիա, Խորվաթիա, Չեխիա, Շվեդիա, Էստոնիա:



4 այլ երկրներ՝ Իսլանդիա, Լիխտենշտեյն, Նորվեգիա եւ Շվեյցարիա:

➤ ՈՐՈՂՔ ԵՆ ԱՊԱՍՏԱՆԻ ԵՎ ՄԻԳՐԱՑԻԱՅԻ ԿԱՌԱՎԱՐՄԱՆ ԿԱՆՈՆՆԵՐԸ:



ԵՄ+ պետությունների կողմից ձեռք է բերվել համաձայնություն «Ապաստանի եւ միգրացիայի կառավարման կանոնակարգի» (AMMR) վերաբերյալ: Այս իրավական ակտը սահմանում է, թե որ պետությունն է պատասխանատու միջազգային պաշտպանության հայցերի քննության համար: Բացի այդ, եթե երկրներից մեկը ստանում է չափազանց շատ դիմումներ եւ չի կարողանում հաղթահարել դրանց հոսքը, մյուս երկրները, համաձայն այս կանոնակարգի, պետք է օգնություն ցուցաբերեն:

Ձեր դիմումը երաշխավորված կերպով կքննարկվի ԵՄ+ անդամ երկրներից մեկի կողմից: Սակայն դուք չէք կարող ընտրել, թե որ երկիրը պատասխանատու կլինի դրա քննության համար: Պատասխանատու երկիրը կորոշվի՝ համաձայն AMMR-ի (ապաստանի, միգրացիայի եւ ինտեգրման հիմնադրամի) կանոնակարգի:

Եթե այս գրքույկում ձեզ համար անհասկանալի տեղեկություն կա, խնդրում ենք դիմել միգրացիոն ծառայության աշխատակցին:



Ներկա փուլում ԵՄ+ երկրները որոշում են միայն այն, թե իրենցից որն է պատասխանատու լինելու ձեր դիմումի քննության համար:

Եթե պարզվի, որ պատասխանատու է մեկ այլ ԵՄ+ երկիր, դուք կտեղափոխվեք այդ երկիր:

➤ **ՁԵՐ ԻՐԱՎՈՒՆՔՆԵՐԸ՝ ՄԻՆՉԵՎ ՊԱՏԱՍԽԱՆԱՏՈՒ ԵՄ+ ԵՐԿՐԻ ՈՐՈՇՈՒՄԸ՝ ԹԵ ՈՐՏԵՂ Է ՔՆՆՎԵԼՈՒ ՁԵՐ ԴԻՄՈՒՄԸ:**




Եթե դուք առաջին անգամ եք դիմում միջազգային պաշտպանության համար, ունեք անվճար **իրավաբանական խորհրդատվություն** ստանալու իրավունք: Դուք կարող եք ցանկացած պահի դիմել իշխանություններին՝ այս իրավունքից օգտվելու համար:

Իրավաբանական խորհրդատուն ձեզ կտեղեկացնի ձեր իրավունքների մասին եւ կաջակցի ձեզ ընթացակարգի ողջ ընթացքում: Եթե դուք արդեն վճարել եք իրավաբանական խորհրդատուի ծառայությունների համար, իշխանությունները կարող են չտրամադրել ձեզ անվճար իրավաբանական խորհրդատվություն: Հնարավոր է, որ խորհրդատվությունը տրամադրվի խմբային ձեւաչափով, սակայն խորհրդատուն ձեր անձնական տվյալները չի հայտնի այլ անձանց:

Իրավախորհրդատուի աջակցություն ստանալու համար կարող եք դիմել իշխանություններին՝ **Դա Դուք կարող եք անել խնդրելով իշխանություններին տրամադրել Ձեզ DRC Dansk Flygtningehjælp/Դանիական փախստականների հարցերով խորհրդի կոնտակտային տվյալները, որը մասնավոր, մարդասիրական կազմակերպություն է, որն աշխատում է ապաստան հայցողների և փախստականների իրավունքների պաշտպանության ոլորտում Դանիայում:**



Եթե ձեր իրավիճակը քննարկելիս ձեզ համար ավելի հարմար կլինի շփվել որոշակի սեռի (կին կամ տղամարդ) թարգմանչի կամ գործը վարող մասնագետի հետ, դուք կարող եք դիմել այդ խնդրանքով: Պատկան մարմինները պարտավոր են հնարավորինս հաշվի առնել ձեր նախապատվությունը:



Դուք նույնպես իրավունք ունեք պահանջել նորացված տեղեկատվություն որոշում կայացնելու ընթացակարգի մասին, որ ԵՄ +երկիրը կքննի ձեր դիմումը: Եթե ցանկանում եք պահանջել նորացված տեղեկատվություն, դուք կարող եք կապվել իշխանությունների հետ Դա Դուք կարող եք անել կապվելով Օտարերկրացիների գործերի Վարչության հետ հետևյալ ձևով –

www.nyidanmark.dk/da/Kontakt-os/



Դուք իրավունք ունեք կապվել եւ հաղորդակցվել Միավորված Ազգերի Փախստականների Գործակալության (ՄԱԿ ՓԳԳ) հետ ապաստանի ընթացակարգի ցանկացած փուլում:

ՄԱԿ-ի Փախստականների հարցերով գերագույն հանձնակատարի գրասենյակը (UNHCR) պաշտպանում է ապաստան հայցողների եւ փախստականների շահերն ու իրավունքները:

ՄԱԿ ՓԳՀ-ի կոնտակտային տվյալները եւ ապաստանի ընթացակարգի վերաբերյալ տեղեկատվությունը կարող եք գտնել ՄԱԿ ՓԳՀ-ի կայքէջում՝ <https://help.unhcr.org/>.

Դուք կարող եք լրացուցիչ տեղեկություններ գտնել ձեր ստացվող աջակցության եւ ծառայությունների մասին առանձին գրքույկում:

➤ **ՈՐՏԵՂ ՊԵՏՔ Է ԲՆԱԿՎԵՔ, ՔԱՆԻ ԴԵՌՈՒՄ ՍՊԱՍՈՒՄ ԵՔ ՈՐՈՇՄԱՆ, ԹԵ ԵՄ+ ՈՐ ԵՐԿԻՐՆ Է ՔՆՆԵԼՈՒ ԶԵՐ ԴԻՄՈՒՄԸ:**



- Դուք պարտավոր եք առայժմ բնակվել այն երկրում, որտեղ ներկայացրել եք ապաստանի դիմումը (առաջին մուտքի երկիր):
- ԵՄ+ այլ երկիր մեկնել ձեզ թույլատրվում է միայն այն դեպքում, եթե ստանաք իշխանությունների համաձայնությունը:
- Եթե իշխանությունները որոշեն, որ ձեր դիմումը պետք է քննի ԵՄ+ մեկ այլ երկիր, ապա նրանք կկազմակերպեն ձեր տեղափոխումն այդ երկիր:

➤ **Ի՞ՆՉ Է ԱԿՆԿԱԼՎՈՒՄ ԶԵԶԱՆԻՑ ԱՅՍ ԳՈՐԾԸՆԹԱՑՈՒՄ:**

Դուք պարտավոր եք՝

- ✔ Մնալ այս երկրում, քանի դեռ ձեր դիմումը գրանցվում է:
- ✔ Եթե նախկինում ստացել եք վիզա կամ կացության թույլտվություն, ապաստան խնդրել այն երկրում, որը տրամադրել է այդ փաստաթուղթը՝ հենց այնտեղ հասնելուն պես:
- ✔ Ներկայացնել ձեր ունեցած բոլոր փաստաթղթերը՝ ինքնությունը հաստատելու համար:
- ✔ Եթե ունեցել եք անձը հաստատող փաստաթուղթ, բայց այն այլևս ձեզ մոտ չէ, միեւնույն է, տեղեկացրեք իշխանություններին, որ ձեր երկրի կառավարությունը նախկինում ձեզ տրամադրել է այն:
- ✔ Հայտնել իշխանություններին, եթե երբեք մեկնել եք ԵՄ+ այլ երկիր:
- ✔ Տեղեկացնել իշխանություններին, եթե առանց թույլտվության մնացել եք ԵՄ+ որեւէ երկրում:
- ✔ Հայտնել իշխանություններին, եթե ԵՄ+ այլ երկրում ունեք մերձավոր ընտանիքի անդամներ:
- ❗ **ՈՒՇԱԴՐՈՒԹՅՈՒՆ:** Դուք օրենքով պարտավոր եք հանձնել ձեր մատնահետքերը եւ լուսանկարվել:

▶ ԻՆՉ ՓԱՍՏԱԹՂԹԵՐ ՊԵՏՔ ԷՆ ԵՐԿՐԱՅԱՑՆԵՔ:

Իշխանություններին տրամադրեք ձեզ մոտ եղած բոլոր փաստաթղթերը, որոնք վերաբերում են՝



- ձեր անձը հաստատող փաստաթուղթը (ծննդյան վկայական, անձնագիր, նույնականացման քարտ)



- ԵՄ+ երկրներում գտնվող մերձավոր ընտանիքի անդամներ (պաշտոնական փաստաթղթեր, կապի մեջ լինելու ապացույց)



- նախկինում ԵՄ+ երկրներում գտնվելու դեպքեր (բնակության թույլտվության, վիզայի, կամ դպրոցական, կամ համալսարանական դիպլոմի ստացման հիման վրա):

Այս տեղեկատվությունը տրամադրեք որքան հնարավոր է շուտ. Դա կօգնի ավելի արագ որոշել, թե ԵՄ+ որ երկիրն է պատասխանատու ձեր դիմումի քննության համար:

▶ ԻՆՉՈՒ Ի ԵՔ ԴՈՒՔ ՊԱՐՏԱՎՈՐՎԱԾ ՏԱԼ ՁԵՐ ՄԱՏՆԱՀԵՏՔԵՐԸ ԵՎ ԼՈՒՍԱՆԿԱՐԸ:



Այս երկրի իշխանությունները կվերցնեն ձեր մատնահետքերը եւ կլուսանկարեն ձեզ: Այդ տվյալները, ձեր ինքնության եւ այլ կարեւոր տեղեկությունների հետ միասին, կփոխանցվեն «Եվրոդաք» (Eurodac) կոչվող ընդհանուր եվրոպական տվյալների բազա:

Այս բազայից օգտվում են ԵՄ+ բոլոր 31 երկրները, որոնք կարող են մշակել Ձեր տվյալները՝ դրանք ստանալու նպատակով: Եթե Դուք առանց թույլտվության տեղափոխվեք ԵՄ+ այլ երկիր, եւ այնտեղ կրկին վերցնեն Ձեր մատնահետքերը, ապա «Եվրոդաք»-ում պահվող Ձեր բոլոր տվյալները տեսանելի կլինեն այդ երկրի իշխանությունների համար:

«Եվրոդաք» տվյալների բազայի մասին ավելի մանրամասն տեղեկատվություն տրամադրվում է առանձին գրքույկում:



▶ Ի՞նչ ՀԵՏԵՎԱՆՔՆԵՐ ԿԼԻՆԵՆ ՊԱՐՏԱԿԱՆՈՒԹՅՈՒՆՆԵՐԸ ՉԿԱՏԱՐԵԼՈՒ ԴԵՊՔՈՒՄ:




Եթե դուք չհամագործակցեք իշխանությունների հետ, դա բացասական հետևանքներ կունենա ձեր դիմումի համար:

Եթե դուք չտաք ձեր մատնահետքերը, իշխանությունները կարող են եզրակացնել, որ դուք այլևս հետաքրքրված չեք Եվրոպայում ապաստան ստանալու հարցում: Նրանք կդադարեցնեն ձեր դիմումի քննարկումը, ինչը նշանակում է, որ դուք այլևս իրավունք չունեք մնալու այդ երկրում:

Եթե դուք առանց թույլտվության մեկնում եք մեկ այլ ԵՄ+ երկիր կամ դիմում եք միջազգային պաշտպանության համար մեկ այլ ԵՄ+ երկրում, հավանական է, որ ձեզ կվերադարձնեն այն ԵՄ+ երկիր, որը պատասխանատու է ձեր դիմումը քննարկելու համար:

Եթե դուք գտնվում եք ԵՄ+ երկրում, բացի այն երկրից, որտեղ դուք պարտավոր եք գտնվել, ձեր ազատությունը կարող է սահմանափակվել, եւ դուք կարող եք ստանալ սահմանափակ, աջակցություն:



➤ ԻՆՉ Է ՆՇԱՆԱԿՈՒՄ ԿԱԼԱՆԱՎՈՐՈՒՄԸ:

Կալանավորումը նշանակում է, որ ձեզ տեղավորում են հատուկ հաստատությունում, որը դուք չեք կարող ազատ լքել:

Իշխանությունները պետք է ձեզ կալանավորելու համար ունենան հիմնավոր պատճառ: Նրանք պետք է համոզված լինեն, որ ձեր դեպքում այլընտրանքային միջոց հնարավոր չէ կիրառել: Որոշում կայացնելուց առաջ իշխանությունները կգնահատեն ձեր անձնական իրավիճակը:

Կալանավորման պատճառները կարող են լինել, օրինակ՝



- Ձեր ապաստանի դիմումի կարեւոր հանգամանքները (օրինակ՝ ինքնությունը) հնարավոր չէ պարզել առանց կալանավորման:
- Դուք խախտել եք որոշակի վայրում մնալու պարտավորությունը, կամ առկա է փախուստի ռիսկ, որի պատճառով իշխանությունները չեն կարողանա ձեզ գտնել:
- Դուք ստացել եք ձեր ապաստանի դիմումը քննելու համար պատասխանատու ԵՄ+ երկիր տեղափոխվելու մասին որոշում, եւ առկա է մինչեւ տեղափոխումը փախուստի դիմելու ռիսկ:
- Դուք վտանգ եք ներկայացնում անվտանգության համար:

Եթե ձեզ կալանավորել են, դուք կարող եք բողոքարկել այդ որոշումը եւ պահանջել անվճար իրավաբանական օգնություն ու ներկայացուցչություն:

⚠ ՈՒՇԱԴՐՈՒԹՅՈՒՆ: Եթե առանց թույլտվության մեկնեք ԵՄ+ այլ երկիր, դա կմեծացնի ապագայում ձեր կալանավորման ռիսկը:

➤ ԻՆՉՊԵՄ ԵՆ ԻՇԽԱՆՈՒԹՅՈՒՆՆԵՐԸ ՈՐՈՇՈՒՄ, ԹԵ ՈՐ ԵՄ+ ԵՐԿԻՐՆ Է ՔՆՆԵԼՈՒ ՁԵՐ ԴԻՄՈՒՄԸ:

Եթե սա ձեր առաջին դիմումն է միջազգային պաշտպանության համար ԵՄ+ երկրի տարածքում, ապա կան մի քանի պատճառներ, թե ինչու կարող է որոշակի ԵՄ+ երկիր լինել պատասխանատու ձեր դիմումը քննելու համար:

1) Ընտանեկան կապերը



Առաջին եւ ամենակարեւոր պատճառը ընտանեկան կապերն են:

Եթե ձեր մոտ ազգականը արդեն ստացել է միջազգային պաշտպանություն, կամ ներկայումս դիմում է դրա համար մեկ այլ ԵՄ+ երկրում, ապա ձեր դիմումը պետք է քննվի այն երկրի կողմից, որտեղ գտնվում է այդ ընտանիքի անդամը, որպեսզի դուք կարողանաք վերամիավորվել:

Ընտանիքի մոտ ազգականներ են համարվում՝

- ձեր ամուսինը կամ կինը,
- ձեր չամուսնացած զուգընկերը, որի հետ ունեք կայուն հարաբերություն,
- ձեր անչափահաս (մինչև 18 տարեկան եւ չամուսնացած) երեխան:

❗ **ՈՒՇԱԴՐՈՒԹՅՈՒՆ:** Դուք պետք է հնարավորինս շուտ կարողանաք ապացուցել, որ այդ անձի հետ հարաբերություն եք ունեցել մինչև ԵՄ+ երկրների տարածք մուտք գործելը: Այս ժամանակահատվածը կարող է ներառել նաեւ ձեր ճանապարհը հայրենիքից դեպի ԵՄ+ տարածք::

Եթե ձեր ընտանիքի անդամը ապրում է մեկ այլ ԵՄ+ երկրում, լավագույն ձևը այդ մասին տեղեկություն տրամադրելու՝ լրացնելն է «ընտանիքի որոնման ձևաթուղթը» (**family tracing template**):

Եթե դեռ չեք ստացել այդ ձևաթուղթը, դիմեք պատասխանատու աշխատակցին կամ ձեր իրավաբանական խորհրդատուին՝ նրանք կարող են օգնել այն լրացնելու հարցում:

Ավելի մանրամասն տեղեկություն ընտանիքի անդամների հետ վերամիավորման հնարավորությունների մասին կարող եք գտնել բաժնում՝ **«Ի՞նչ ապացույցներ կարող եք ներկայացնել՝ ցույց տալու, որ ընտանիքի անդամ ունեք մեկ այլ ԵՄ+ երկրում»:**

2) ԵՄ+ որեւէ երկիր մուտք գործելու թույլտվություն

ԵՄ+ անդամ որեւէ երկիր կարող է պատասխանատու լինել ձեր դիմումի քննության համար, եթե



- դուք ունեք վիզա (մուտքի արտոնագիր) կամ կացության թույլտվություն՝ տրված ԵՄ+ որեւէ երկրի կողմից,
- դուք մուտք եք գործել ԵՄ+ մի երկիր, որտեղ կարող էիք մուտք գործել առանց վիզայի, քանի որ ձեր ծագման երկիրը համապատասխան համաձայնագիր ունի այդ երկրի հետ:

3) Կրթական որակավորում կամ դիպլոմ



- ԵՄ+ որեւէ երկրի ուսումնական հաստատությունում առնվազն մեկ ուսումնական տարի առկա ուսուցմամբ սովորելուց հետո ստացել եք որակավորում կամ դիպլոմ:

4) Անկանոն մուտք ԵՄ+ որեւէ երկիր

ԵՄ+ մեկ այլ երկիր կարող է պատասխանատու լինել ձեր դիմումի քննության համար, եթե



- դուք առանց թույլտվության հատել եք ԵՄ+ երկրներից որեւէ մեկի արտաքին սահմանը,



- դեպի Եվրոպա ճանապարհորդելիս ձեզ ծովում փրկել են ԵՄ+ որեւէ երկրի իշխանությունները,



- դուք միջազգային պաշտպանության համար դիմում եք ներկայացրել ԵՄ+ երկրներից որեւէ մեկի օդանավակայանի տարանցիկ գոտում:

5) Խնամողի եւ խնամքի կարիք ունեցող ընտանիքի անդամի վերամիավորում

Դուք կարող եք լինել ընտանիքի այն անդամը, որը կախված է այլ ԵՄ+ երկրում գտնվող խնամողի օգնությունից, կամ ունենալ ընտանիքի անդամ, որը կախված է ձեր խնամքից:



Խնամքի կարիք ունեցող անձը կարող է օգնության կարիք ունենալ հետևյալ պատճառներով՝

- հղիություն,
- նորածնի խնամք,
- լուրջ հոգեկան կամ ֆիզիկական հիվանդություն,
- ծանր հաշմանդամություն,
- խորը հոգեբանական տրավմա,
- ծերություն:

Խնամքի կախվածության դեպքերում անհրաժեշտ է ապացուցել, որ դուք ունակ եք խնամել տվյալ անձին, կամ որ ձեր ընտանիքի անդամը կարող է խնամել ձեզ:

6) Մարդասիրական հիմքեր

Կարող են լինել մարդասիրական պատճառներ, որոնց հիման վրա որոշակի ԵՄ+ երկիր կարող է քննել ձեր դիմումը: Այդ հիմքերը կարող են ներառել՝

- ընտանեկան հանգամանքներ,
- սոցիալական հանգամանքներ,
- մշակութային հանգամանքներ:

Այլ ԵՄ+ երկրին կարող է ներկայացվել խնդրանք՝ ձեր դիմումը քննելու վերոնշյալ պատճառներով, սակայն վերջնական որոշումը կայացնում են տվյալ երկրի իշխանությունները:

▶ ԴՌԻՔ ԿԱՐՈՂ ԵՔ ԱՆՑՆԵԼ ՀԱՐՑԱԶՐՈՒՅՑ՝ ՊԱՐԶԵԼՈՒ ՀԱՄԱՐ, ԹԵ ԵՄ+ ՈՐ ԵՐԿԻՐԸ ԿՔՆՆԻ ՁԵՐ ԴԻՄՈՒՄԸ:

Եթե դուք առաջին անգամ եք դիմում ապաստանի համար, իշխանությունները պետք է կազմակերպեն անձնական հարցազրույց:

❗ **ՈՒՇԱԴՐՈՒԹՅՈՒՆ:** Սա ապաստանի տրամադրման հարցազրույց չէ: Այս հարցազրույցի նպատակն է որոշել, թե ԵՄ+ անդամ որ երկիրը պետք է քննի ձեր դիմումը:

Այս հարցազրույցը հետապնդում է չորս հիմնական նպատակները:


- Տեղեկություններ հավաքել, որոնք կօգնեն իշխանություններին որոշել պատասխանատու ԵՄ+ երկիրը:
- Հնարավորություն տալ ձեզ հարցեր տալու այն ընթացակարգի վերաբերյալ, որով որոշվում է պատասխանատու ԵՄ+ երկիրը:
- Հնարավորություն տալ ձեզ հարցեր տալու այս գրքույկում տեղ գտած ցանկացած տեղեկության վերաբերյալ:
- Պարզել, թե արդյոք կան պատճառներ, որոնց հիման վրա ձեզ չպետք է տեղափոխեն ԵՄ+ այլ երկիր, կամ թե ինչու պետք է ձեզ թույլատրվի մնալ տվյալ երկրում:

Հարցազրույցը կանցկացվի ձեզ համար լիովին հասկանալի լեզվով: Այն դեպքում եթե Դուք ցանկանում եք, որ հարցազրույց վարողը և թարգմանիչը որոշակի սեռի անձինք լինեն, ապա մենք խնդրում ենք Ձեզ տեղեկացնել այդ մասին, երբ որ Դուք ստանաք հարցազրույցի ծանուցագիրը: Եթե դա հնարավոր լինի, ապա Օտարերկրացիների գործերի Վարչությունը կփորձի աջակցել այդ հարցում:



Ձեր տրամադրած տեղեկությունները չեն փոխանցվի ձեր հայրենի երկրի կառավարությանը կամ իշխանություններին:

Եթե հարցազրույցի ընթացքում որեւէ բան ձեզ համար անհասկանալի է, կարող եք ազատորեն հարցեր տալ: Կարելու է, որ եւ՛ դուք, եւ՛ հարցազրույց վարող պաշտոնյան լիովին հասկանաք ասվածը, ուստի հարցերը միշտ ողջունվում են:



Հարցազրույցի ձայնագրությունը կարվի, եւ ձեզ կներկայացվի գրավոր ամփոփում՝ ասվածի վերաբերյալ:

Եթե գրավոր ամփոփումը ստանալուց հետո կարծում եք, որ այնտեղ առկա է սխալ տեղեկություն կամ ցանկանում եք փոփոխություն կատարել, կարող եք ներկայացնել համապատասխան խնդրանք:

Դուք կարող եք կապվել Օտարերկրացիների գործերի Վարչության հետ

www.nyidanmark.dk/KontaktAsyl

ձևով կամ ստորև նշված QR-կոդով:

Անհրաժեշտության դեպքում Դուք կարող եք հարցազրույցից հետո ներկայացնել լրացուցիչ փաստաթղթեր կամ բացատրել, թե ինչու չպետք է ձեզ տեղափոխեն այլ ԵՄ+ երկիր:

Եթե դեռ ունեք տեղեկություններ կամ փաստաթղթեր, որոնք չեք ներկայացրել, պարտադիր է դրանք փոխանցել համապատասխան մարմիններին: Եթե ձեզ հարկավոր է տեղեկություններ կամ փաստաթղթեր ուղարկել Օտարերկրացիների գործերի Վարչություն, ապա բնօրինակ փաստաթղթերը ուղարկվում են Օտարերկրացիների գործերի Վարչություն հետևյալ հասցեով - Udlændingestyrelsen, Farimagssvej 51A, 4700 Næstved. Այլ փաստաթղթերը և տեղեկությունները կարող են ուղարկվել www.nyidanmark.dk/KontaktAsyl էլեկտրոնային ձևով կամ օգտագործելով հետևյալ QR-կոդը:



▶ ԱՐԴՅՈ՞Ք ՀԱՐՑԱԶՐՈՒՅՑԸ ՄԻՇՏ Է ԱՆՑԿԱՑՎՈՒՄ:

Եթե դուք առաջին անգամ եք դիմում ապաստանի համար, իշխանությունները կարող են որոշել անձնական հարցազրույց չանցկացնել, եթե

- արդեն հայտնի է, թե ԵՄ+ որ երկիրն է պատասխանատու ձեր դիմումի քննության համար,
- նրանք արդեն ունեն բավարար տեղեկատվություն՝ որոշելու համար, թե ԵՄ+ որ երկիրն է պատասխանատու ձեր դիմումի քննության համար,
- դուք նախկինում բաց եք թողել հարցազրույցը՝ առանց իշխանություններին տեղեկացնելու չներկայանալու պատճառի մասին,
- դուք չեք պահպանել կապը իշխանությունների հետ:

Եթե հարցազրույց չի նշանակվում, դուք կարող եք պահանջել այն անցկացնել: Եթե պատասխանատու անձինք գտնում են, որ արդեն իսկ ունեն բավարար տեղեկատվություն ձեր գործը վարելու համար, նրանք կարող են մերժել ձեր խնդրանքը, սակայն պարտավոր են հիմնավորել հարցազրույց չանցկացնելու իրենց որոշումը:

Եթե Դուք ցանկանում եք հարցազրույց նշանակելու մասին խնդրանք ներկայացնել, ապա Դուք կարող եք կապվել Օտարերկրացիների գործերի Վարչության հետ www.nyidanmark.dk/KontaktAsyl ձևով կամ օգտագործելով ստորև նշված QR-կոդը: Չմոռանաք նշել Ձեր հիմնավորումը, թե ինչու եք Դուք հարցազրույց ցանկանում:



▶ ԻՆՉ ԱՊԱՑՈՒՅՑՆԵՐ ԿԱՐՈՂ ԵՔ ՆԵՐԿԿԱՅԱՑՆԵԼ՝ ՀԱՍՏԱՏԵԼՈՒ ՀԱՍՄԱՐ, ՈՐ ԵՄ+ ԱՅԼ ԵՐԿՐՈՒՄ ՈՒՆԵՔ ԸՆՏԱՆԻՔԻ ԱՆԴԱՍ:

Ձեր ընտանիքի անդամի մասին տեղեկատվություն տրամադրելու լավագույն միջոցը «ընտանիքի որոնման ձևանմուշ» (**family tracing template**) փաստաթուղթը լրացնելն է:

Բացի այդ ձևանմուշից, ներկայացրե՛ք պետական պաշտոնական փաստաթղթեր, որոնք հաստատում են ձեր ազգակցական կապը (օրինակ՝ ծննդյան կամ ամուսնության վկայական):

Կարող եք նաեւ ներկայացնել այլ տեսակի ապացույցներ, որոնք ցույց են տալիս, որ կապ եք պահպանել ձեր ընտանիքի անդամի հետ, օրինակ՝ լուսանկարներ, էլեկտրոնային նամակներ կամ հաղորդագրություններ:



Եթե չունեք ձեր ազգակցական կապը հաստատող որևէ ապացույց, իշխանությունները կարող են պահանջել ԴՆԹ թեստ հանձնել՝ կապը հաստատելու համար:

Ընտանիքի հետ վերամիավորվել կարող եք միայն այն դեպքում, երբ դուք եւ ձեր ընտանիքի անդամը գրավոր հայտնում եք վերամիավորվելու ձեր ցանկության մասին:

Ցանկալի է այդ փաստաթուղթը ներկայացնել անզլերենով:



Սկսե՛ք նախապատրաստվել հնարավորինս շուտ, հավաքել բոլոր անհրաժեշտ փաստաթղթերն ու տեղեկությունները:

Եթե ընտանիքի վերամիավորման գործընթացի վերաբերյալ հարցեր կամ խորհրդի կարիք ունեք, կարող եք դիմել իրավաբանական խորհրդատուի: Եթե ԵՄ+ այլ երկրում ունեք ընտանիքի անդամ, բայց կորցրել եք նրա հետ կապը, կան կազմակերպություններ, որոնք կարող են օգնել ձեզ գտնել նրան:

Դուք կարող եք կազմակերպությունների հետ կարող եք կապ հաստատել՝ օգտվելով ստորեւնշված տեղեկատվությունից:

Կարմիր Խաչի Որոնման Ծառայությունը – tracing@rodekors.dk կամ 35 25 92 00 հեռախոսահամարով:

➤ ՈՐՔԱՆ ԿՏԵՎԻ ԳՈՐԾՆԹԱՑԸ:



Երկրների միջեւ հաղորդակցությունը սովորաբար իրականացվում է **1 ու կես ամիսից 3 ամիս** է, սակայն այս ժամկետը կարող է **տևել ավելի երկար**, կախված ձեր գործի առանձնահատկություններից:



Եթե ԵՄ+ անդամ որևէ այլ երկիր հաստատի, որ կքննի ձեր դիմումը, ձեզ կտեղափոխեն այդ երկրի կողմից համաձայնություն տալու օրվանից հետո՝ **6 ամսվա ընթացքում**:




Եթե տեղափոխման հարցումը պայմանավորված է նրանով, որ դուք ԵՄ+ անդամ այլ երկրում ունեք ընտանիքի անդամ, ապա ձեր տեղափոխումը կդիտարկվի **որպես առաջնահերթություն**:



Եթե դուք ներկայումս կալանավորված եք կամ կալանավորվեք ապագայում, ձեր գործը կքննվի արտահերթ կարգով: Ձեր տեղափոխումը պետք է կազմակերպվի **5 շաբաթվա ընթացքում**: Եթե այդ ժամկետում տեղափոխումը տեղի չունենա, ձեզ ազատ կարձակեն կալանքից: Այնուամենայնիվ, ձեր տեղափոխումը կկազմակերպվի **6-ամսյա ժամկետում**՝ հաշված այն օրվանից, երբ պատասխանատու երկիրը համաձայնել է քննել ձեր դիմումը:

Եթե դուք հանցագործություն կատարելու համար գտնվում եք բանտում, տեղափոխման ժամկետը կարող է երկարաձգվել մինչև **1 տարի**:



❗ ՈՒՇԱՂՐՈՒԹՅՈՒՆ: Եթե դուք փախուստի դիմեք, թաքնվեք իշխանություններից կամ հրաժարվեք համագործակցել տեղափոխման կազմակերպման հարցում, ապա տեղափոխման ժամկետը կարող է երկարաձգվել՝ հասնելով առավելագույնը **3 տարվա**:

➤ **ԻՆՉ ԱՆԵԼ, ԵԹԵ ԴՈՒՔ ԱՐԴԵՆ ԴԻՄԵԼ ԵՔ
ՄԻԶԱԶԳԱՅԻՆ ՊԱՇՏՊԱՆՈՒԹՅԱՆ ՀԱՄԱՐ ԵՄ+
ՄԵԿ ԱՅԼ ԵՐԿՐՈՒՄ:**

Դուք իրավունք ունեք միջազգային պաշտպանության համար դիմել ԵՄ+ անդամ միայն մեկ երկրում: Եթե դուք արդեն դիմել եք միջազգային պաշտպանության համար ԵՄ+ այլ երկրում, ապա կվերադարձվեք այն երկիր, որը պատասխանատու է ձեր դիմումի քննության համար:

Եթե առկա են տվյալներ, որ ձեր դիմումի քննության համար պատասխանատու է ԵՄ+ մեկ այլ երկիր, ապա այդ երկիր կուղարկվի համապատասխան ծանուցում: Եթե այդ երկիրը հաստատի, որ կքննի ձեր դիմումը, ձեզ կտրամադրվի տեղափոխման մասին որոշում, որտեղ նշված կլինի, թե ԵՄ+ որ երկիր եք տեղափոխվելու:

Եթե դուք առաջին անգամ չէ, որ դիմում եք միջազգային պաշտպանության համար, կամ արդեն որոշվել է, որ ձեր դիմումի քննության համար պատասխանատու է ԵՄ+ այլ երկիր, իրավասու մարմինները կարող են ձեզ հետ անձնական հարցազրույց չանցկացնել:

Այնուամենայնիվ, ձեզ հնարավորություն կտրվի բացատրելու, թե ինչու չպետք է տեղափոխվեք այդ երկիր կամ ինչու պետք է ձեզ թույլատրվի մնալ տվյալ երկրում:

Թե ինչպես տրամադրել այս տեղեկատվությունը, կարող եք գտնել ստորև.

Կապվել Օտարերկրացիների գործերի Վարչության հետ
www.nyidanmark.dk/KontaktAsyl ձևով կամ օգտագործելով ստորև
նշված QR-կոդը:



▶ Ի՞ՆՉ Է ՏԵՂԻ ՈՒՆԵՆՈՒՄ ՈՐՈՇՈՒՄԸ ԿԱՅԱՑՆԵԼՈՒՑ ՀԵՏՈ:

Եթե դուք ստանում եք ԵՄ+ այլ երկիր տեղափոխվելու մասին որոշում, Ձեր որոշ իրավունքներ կչեղարկվեն: Օրինակ՝

- դուք այլևս չեք ստանա բազմաթիվ ծառայություններ եւաջակցության տեսակներ:
- ձեզ թույլ չի տրվի աշխատել կամ հաճախել դասընթացներին:



Տեղափոխումը պետք է իրականացվի այն օրվանից սկսած **6 ամսվա** ընթացքում, երբ ԵՄ+ երկիրը հաստատել կամ համաձայնել է քննել ձեր դիմումը:

Եթե դուք կալանավորված եք, ձեր գործը կքննվի արագացված կարգով: Ձեր տեղափոխումը պետք է կազմակերպվի **5 շաբաթվա** ընթացքում: Եթե տեղափոխումը չիրականացվի այդ ժամկետում, ձեզ ազատ կարձակեն կալանքից:

Այդուհանդերձ, ձեր տեղափոխումը կկազմակերպվի **6-ամսյա** ժամկետում՝ սկսած այն օրվանից, երբ ԵՄ+ երկիրը հաստատել կամ համաձայնել է քննել ձեր դիմումը:

Եթե դուք հանցագործություն կատարելու համար գտնվում եք բանտում, տեղափոխման ժամկետը կարող է երկարաձգվել մինչև **1 տարի**:

⚠ ՈՒՇԱԴՐՈՒԹՅՈՒՆ: Եթե դուք փախուստի դիմեք կամ չհամազործակցեք իշխանությունների հետ, տեղափոխման ժամկետը կարող է երկարաձգվել մինչև **3 տարի**:

▶ Ի՞ՆՉ ԱՆԵԼ, ԵԹԵ ՀԱՄԱՁԱՅՆ ՉԵՔ ՏԵՂԱՓՈԽՄԱՆ ՎԵՐԱԲԵՐՅԱԼ ՈՐՈՇՄԱՆԸ:



Եթե որոշվի, որ ձեր դիմումի քննության համար պատասխանատու է ԵՄ+ անդամ մեկ այլ երկիր, դուք կստանաք տեղափոխման վերաբերյալ որոշում: Այդ որոշումը ձեզ կտեղեկացնի, թե որ երկիր եք տեղափոխվելու:

Եթե համաձայն չեք տեղափոխման որոշման հետ, կարող եք ձեր փաստարկները ներկայացնել դատարան: Այս գործընթացը կոչվում է «բողոքարկում»: Երբ դուք բողոքարկում եք որոշումը, վերջնական վճիռը կայացնում է դատարանը կամ տրիբունալը:

Տեղափոխման որոշումը բողոքարկելու համար գոյություն ունի ընդամենը երեք հիմք

- դուք պնդում եք, որ տվյալ ԵՄ+ երկիր տեղափոխվելը կխախտի ձեր մարդու իրավունքները:
- առկա է նոր տեղեկություն, որը հասանելի չի եղել որոշումը կայացնելու պահին եւկարող էր ազդել դրա վրա:
- դուք ԵՄ+ անդամ մեկ այլ երկրում ունեք ընտանիքի անդամներ, որոնց հետ պետք է վերամիավորվեք:

Եթե դուք ի վիճակի չեք վճարել իրավաբան խորհրդատուի ծառայությունների համար, ձեզ անվճար կտրամադրվի իրավաբան խորհրդատու բողոքարկման գործընթացում աջակցելու համար:



Այս ողջ գործընթացի ընթացքում ձեզ կաջակցի թարգմանիչ, որը տիրապետում է միանգամայն ձեզ հասկանալի լեզվին:

▶ **ԻՆՉ ՊԵՏՔ Է ԻՄԱՆԱԼ ԲՈՂՈՔԱՐԿՄԱՆ ՄԱՍԻՆ, ԵՐԲ ԱՅՆ ՈՒՆԻ ԿԱՍԵՑՆՈՂ ՀԱՏԿՈՒԹՅՈՒՆ ԵՎ ՎԵՐԱԲԵՐՈՒՄ Է ԳՈՐԾԻ ԷՈՒԹՅԱՆԸ:**

Ձեզ տրամադրվող տեղափոխման որոշման մեջ մանրամասն կրացատրվի թե ինչ ժամկետներում որտեղ եւ ինչպես կարող եք բողոքարկել այն:

Դուք պետք է ներկայացնեք այն պատճառը կամ պատճառները թե ինչու համաձայն չեք ԵՄ+ այլ երկիր ձեզ տեղափոխելու որոշման հետ:

Բացի այդ անհրաժեշտ է հիմնավորել թե ինչու չպետք է ձեզ տեղափոխեն ձեր դիմումի քննության համար պատասխանատու ԵՄ+ երկիր քանի դեռ ձեր բողոքի քննությունը շարունակվում է:

Նախ դատարանը **մեկամսյա ժամկետում** կորոշի արդյոք դուք կարող եք սպասել բողոքի վերջնական արդյունքին այս երկրում: Սա կոչվում է բողոքարկում կասեցնող հատկությամբ:

Եթե դատարանը մերժի ձեր խնդրանքը դուք կտեղափոխվեք ձեր դիմումի քննության համար պատասխանատու ԵՄ+ երկիր մինչ ձեր բողոքի քննությունը շարունակվում է:

Եթե դատարանը թույլատրի ձեզ մնալ այն կիրճի **մեկամսյա ժամկետում** կասեցման մասին որոշման օրվանից սկսած վերջնական որոշում կայացնել արդյոք ձեզ պետք է տեղափոխել պատասխանատու ԵՄ+ երկիր թե ոչ:

Եթե ձեր բողոքը մերժվի դուք կտեղափոխվեք ձեր դիմումի քննության համար պատասխանատու ԵՄ+ երկիր: Տեղափոխումը պետք է իրականացվի դատարանի վերջնական որոշման օրվանից հետո **6 ամսվա ընթացքում**:

Եթե դուք ներկայումս կալանավորված եք կամ կալանավորվեք ապագայում ձեր գործը կքննվի արտահերթ կարգով:

Ձեր տեղափոխումը պետք է կազմակերպվի **5 շաբաթվա** ընթացքում:

Եթե տեղափոխումը չիրականացվի այդ ժամկետում ձեզ ազատ կարձակեն կալանքից:

Այնուամենայնիվ ձեր տեղափոխումը միննույն է կկազմակերպվի **6 ամսվա** ընթացքում սկսած այն օրվանից երբ պատասխանատու ԵՄ+ երկիրը ընդունել է տեղափոխման հարցումը:

ՈՒՇԱԴՐՈՒԹՅՈՒՆ: Դուք պարտավոր եք համագործակցել իշխանությունների հետ եւ մեկնել ձեր դիմումի քննության համար պատասխանատու ԵՄ+ երկիր:

▶ Ի՞ՆՉ ԱՆՁՆԱԿԱՆ ՏՎՅԱԼՆԵՐ ԵՆ ՀԱՎԱՔԱԳՐՎԵԼՈՒ:



ԵՄ+ այն երկրի պատասխանատու մարմինները, որտեղ դուք գտնվում եք, կհավաքագրեն որոշակի տեղեկություններ, այդ թվում՝

- Ձեր եւձեզ ուղեկցող ընտանիքի անդամների անձնական տվյալները (անուն, ազգություն, ծննդյան ամսաթիվ եւվայր): Եթե նախկինում օգտագործել եք այլ անուններ կամ տվյալներ, ձեզ կհարցնեն նաեւդրա մասին:
 - Տեղեկություններ ձեր ինքնությունը հաստատող եւձամփոփողական փաստաթղթերի վերաբերյալ:
- Ցանկացած այլ տեղեկություն, որը կարող է հաստատել ձեր ինքնությունը, օրինակ՝ ձեր մատնահետքերը:
 - Տվյալներ ԵՄ+ այլ երկրում բնակվող ձեր ընտանիքի անդամների մասին, ինչպիսիք են նրանց անձնական տվյալները, ձեր վերջին շփման ժամանակը, նրանց գտնվելու վայրը եւիրավական կարգավիճակը:
 - Տվյալներ ձեր ունեցած այն փաստաթղթերի մասին, որոնք թույլ են տվել ձեզ բնակվել ԵՄ+ երկրում (եթե ձեր դեպքում դա կիրառելի է):
 - Տեղեկություններ այն փաստաթղթերի վերաբերյալ, որոնք վկայում են, որ դուք մեկ տարուց ավելի սովորել եք ԵՄ+ երկրում:
 - Տեղեկություններ այն երկրների մասին, որոնցով անցել եք՝ այս երկիր հասնելու համար:
 - Ձեր անձնական հանգամանքները:
 - Միջազգային պաշտպանության համար նախկինում ներկայացված դիմումների ամսաթվերը եւդրանց արդյունքները:

Ի՞ՆՉ ԻՐԱՎՈՒՆՔՆԵՐ ՈՒՆԵՔ ՁԵՐ ԱՆՁՆԱԿԱՆ ՏՎՅԱԼՆԵՐԻ ՀԵՏ ԿԱՊՎԱԾ:

Դուք իրավունք ունեք ծանոթանալու իշխանություններին ձեր կողմից տրամադրված ցանկացած տվյալի:

Եթե կարծում եք, որ ձեր անձնական տվյալներից որևէ մեկը ճշգրիտ չէ կամ մշակվել է ոչ օրինական ճանապարհով, կարող եք պահանջել դրանց ծանոթանալ կապ հաստատելով տվյալների մշակումն իրականացնող պատասխանատուի հետ: Դուք կարող եք խնդրել ուղղել անճշտությունները կամ ջնջել ապօրինի մշակված տվյալները:

Այս երկրում տվյալների մշակումն իրականացնող պատասխանատուի հետ կարող եք կապ հաստատել՝ օգտագործելով ստորեւնշված տեղեկությունները:

www.nyidanmark.dk/da/Kontakt-os/Kontakt-Udl%C3%A6ndingestyrelsen/Kontakt-DPO



Այս գրքույկը նախատեսված է բացառապես տեղեկատվական նպատակների համար, եւ որպէս այդպիսին չի կարող հիմք հանդիսանալ որեւէ իրավունքի կամ պարտավորության առաջացման համար: Սույն նյութի բովանդակային հիմքը տրամադրվել է Եվրոպական Միության ապաստանի հարցերով գործակալության (այսուհետ՝ EUAA) կողմից: Ուղեցույցի վերարտադրման եւ փոփոխման բացառիկ իրավունքը EUAA-ի կողմից վերապահված է միայն Եվրոպական Միության անդամ պետություններին: EUAA-ն որեւէ պատասխանատվություն կամ պարտավորություն չի ստանձնում սույն ուղեցույցում պարունակվող տեղեկատվության ճշգրտության, բովանդակության, ամբողջականության, օրինականության կամ հուսալիության համար՝ անկախ դրա օգտագործման հանգամանքից ԵՄ անդամ պետությունների կամ որեւէ երրորդ կողմի կողմից: Ո՛չ EUAA-ն, ո՛չ էլ նրա անունից հանդես եկող որեւէ անձ պատասխանատվություն չի կրում սույն ուղեցույցում տեղ գտած տեղեկատվության օգտագործման հնարավոր հետեւանքների համար: